



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 24. Henrici de Arquien Cardinalis obitus.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

quam vero Petrus Ottobonus sub no- Sæc. XVII.
 mine Alexandri VIII. Petri Cathedram A. C. 1707.
 moderari cæperat, Rubinus ab eodem
 secretioribus consiliis adhibitus, Ro-
 manaque Purpura auctus, haud parum
 contulit, ut Jacobus II. Angliæ Rex a
 Calvinistis folio & patria deturbatus,
 liberalissime Romæ exciperetur: egre-
 gia insuper obsequia præstitit Venetæ
 Reipublicæ, & Gallicæ coronæ. De-
 cessit demum Vicentiæ die decima se-
 ptima Februarii anno ætatis suæ sexa-
 gesimo quinto.

§. XXIV.

*Henrici de Arquien Cardinalis
 obitus.*

Tertius ex Purpuratis, qui hoc anno
 obiit, erat Henricus de Arquien
 Nivernii in Francia natus. Hic a suis
 Parentibus liberaliter educatus, inter
 Melitenses Equites animi fortitudine
 nulli secundus iterato prælio Turcas
 fudit, fugavitque, mortuo autem suo
 Patre in Franciam reversus, relicta
 Equestri militia uxorem duxit, ex qua
 præter duos filios & quatuor filias e-
 tiam Mariam Casimiram primum Prin-
 cipi Polono Zamoiskio, postea Joanni
 Sobieskio Poloniæ Regi nuptam susce-
 pit, unde, etsi jam annum ætatis sexa-
 gesi-

Sæc. XVII. gesimum quintum expleffet, relicta ta-
 A. C. 1707. men Patria in Poloniam ad Filiam
 suam Reginam contendit, mortua au-
 tem uxore Clericali vitæ adscriptus,
 Sacrisque initiatus, a Galliarum Rege
 præter annuam pensionem Equestris
 Ordinis torque donatus est, postea ad
 Reginæ Filix suæ preces ab Innocen-
 tio XII. Papa in Purpuratorum Colle-
 gium cooptatus, post Poloni Regis mor-
 tem Romam contendit: ubi Sacris co-
 mitiis, in quibus Clemens XI. in
 Pontificem electus fuerat, interfuit,
 ac demum anno ætatis suæ nonage-
 mo octavo die vigesima quarta Martii
 vivere desiit.

§. XXV.

*Stephanus Le Camus Cardinalis
 mortuus.*

*Abregé de
 l'Hist. Eccé.
 t. 13. p. 100.
 Epist. Cle-
 ment. XI.*

Eadem mortis necessitate vivis ereptus
 est Stephanus Le Camus natione
 Gallus, patria Pictaviensis, qui Parisiis
 in plurium linguarum peritia, aliisque
 scientiis sacratoribus tam uberes fecit
 progressus, ut Doctorum honores in
 Sorbona emeretur, ac Ludovico XII.
 Galliarum Regi ab Eleemosynis esset.
 Verum Aulæ illecebris emollitus, tam
 effrænate turpium voluptatum sordibus
 ac licentiosæ vitæ delitiis coinquinatus